

ΧΟΙΡΟΧΟΡΟΓΡΑΦΙΑ

SIVE,

1490. pp. 76
HOGLANDIÆ DESCRIPTIO.



Plaudite Porcelli Porcorum pigra Propago.
Eleg. Poet.

L O N D I N I :

Impensis H. C U R L L, M. D C C. X X V I I I.

Pretium 1 s.



H O G L A N D I A.

A R G U M E N T U M.

Ratio Operis. Agri Hantonienſis Descriptio. Hantonienſes ad Porcos damnaſi, & quare? Dii Hantonienſibus irati, horrendum illorum arvis immittunt Aprum. Apri deſcriptio, & deſecrationes. Hantonienſium Concilium. Præconis cornu deſcribitur. Porcii Nobilis cujuſdam Hantonienſis Oratio. Bogo (vulgo Bevis) Eximia illius in re Porcariâ Scientia, Oratio Χοιραρχέως, ſive Hamuli Porcarii excogitatio, & deſcriptio Lepidum Bogonis in circumveniendo apro artifiſcium, Armatura, & Victoria. Publica Hantonienſium ſuper eâ re gaudia, convivia, varia delicia. Farcimina quando primum inventa. Unde tot de Bogone Fabula.

SILVESTREM qui primus Aprum mirâ
arte ſubegit
Victor, & ingentes ſine cæde coercuit iras;
Lardivorumque genus, ſiccataque perna camino,
Et priùs ignoto coctus farcimine Sanguis
Porcorum, mihi carmen erit. Tu, Phæbe, vocan-
tem

Exaudi, cæptiſque fave: Namque exul Olympo

34 H O G L A N D I A.

Diceris *Admeti* Porcos pavisse *Subuleus*.

Tuque, *Holdsworth*, domi vetulæ seu rancida rodīs

Ossa *Suis* ; *tumidi* carmen servile *Magistri*

Seu jussu componis ; ades, dum prælia *Averum*

Ingeniumque cano, & patriæ præconia terræ.

Non procul *Atrebatum Castris*, quæ vergit in
Austrum

Anglia, & exiguo procurrit in æquora tractu ;

Est tellus, *Arturi* olim dum regna manebant,

Milite magnanimo sæcunda, & nobilis armis.

Ast hodiè, vario fortunæ agitata tumultu,

Vix ulla antiquæ retinet vestigia famæ ;

Immundis nam servit apris : *Britonumq* labores,

Arvaque *Saxonis* in prædam abièrè Subulcis.

Felix tu angusto pelagi intercepta meatu,

Quæ secura fugis dira hæc contagia, *Vestis* !

Quin age, *Musa*, mihi referas quo numine Divum
 Infenso meruit tantas *Hantonia* pœnas ?

Unde pati graveolentis haræ damnetur odorem ?

Postquam *Neustriacus* subitis invaserat armis

Saxonas, & *Cimbro* successit *Victor Haroldo* ;

Securus regni, rerumque potitus habenis,

Jam catulis agitare feras, jam figere cervos



Cæpit

Cæpit, & ingentes Sylvis rimarier Uros.
 At nimis intentus prædæ, penetralia Divûm.
 Impius aggreditur, ferroque excindit & igne.
 Protinus in campum ruit auxiliaribus armis,
Belgarum Scelerata manus, superosque laceffens,
 Provocat ad pugnam, bellumque indicit Olympo.
 Nec mora : Ter denas Divûm furialibus ausis
 Rescindunt Ædes, totidemque è sedibus imis
 Vertunt suppositisque urunt altaria flammis.
 Tum Deus ultricem jaculatus nubibus ignem,
 Intonuit, Regisque nefas in prole, nefando
 Funere plectebat : *Belgas* damnavit ad Apros,
 Æternoque pati jussit foetore *Mephitim*.
 Hinc unum fit gentis opus, seriesque laborum
 Setigeros curare greges, & olentia terro
 Sacrilegis manibus purgare *Suilia* cœno.

Sed neq; adhuc fatura ira Deûm est : immititur
 Infandum dictu ! Divinæ nuncius iræ (arvis
 Trux Aper : Ex humeris in densa hastilia surgunt
 Setarum prædura Seges : *Lybicisq;* cruenti
 Dentibus armantur rictus : Micat igneus Ardor
 Luminibus, candensque exit patulo ore favilla.

Ille diu *Segontiacos* impunè per agros
 Noxius erravit, foecundaque semina rostro

Eruit

36 H O G L A N D I A.

Eruiit incurvo ; latèque novalia vastans,
Sæviit, & miseri præcidit vota Coloni.

Nequicquam gravidis sepem prætendit aristis,
Nequicquam terrere *Suæm* canibusque tueri

Rusticus arva parat : Ruit ille, & septa ruendo
Perrumpit violentus, & obvia turbine verrit.

Qualis in *Ætolis* quondam *Calydonius* arvis
Sævis, terror nemorum, & *Tegeæ* gloria dextræ

Sævierat, stragesque dedit, cultosque pererrans
Devastavit agros, hominumque boumque labores.

Horrendum Gens tota fremit, justæque sub imis
Vindictæ rabies, ardet vefana medullis.

Mox aliquis Procerum, cui plurima læserat hostis
Prædia, deciduasque voraverat ilice glandes ;

Bile tumet, reliquisque unus magis omnibus ardet.
Jamque iræ impatiens, “ Dirâ scelerate, rapinas

“ Morte piabis, ait, Diis quanquam fretus amicis.
Conciliumque citus statuit, quâ grata carinis

Tranquillum pandunt *Trisantonis Ostia* portum.

Tum præco sublimis *Haræ* fastigia nactus
Ex humero ad clunem dependens flexile cornu

Corripuit : Cornu quod ab imo angustius, orbem
Extendit paulatim, & turbine latius exit.

Armatur

Armatur plumbo medium ; sed circulus oras
 Ambiit extremas, limboque inclusit ahenò.
 Hoc simul admovet labiis tumuere cavernæ
 Ventris, & æquali surgentes tubere, buccæ
 Effecere globum : Clausi mox carcere venti
 Murmure se miscent magno, & per utrumq; fora-
 men,
 Summum imumque ruunt : Repletum flamine cornu
 Ter clare insonuit, totiesque immugiit alvus.
 Frustrà utrinque crepat : Flatu licet ilia rumpat,
 Quid velit, ignorant Patres : Hinc notius illi
 Occurrit commentum : Ictu pulsata frequenti
 Insonat, & stupidam longè vocat Amphora turbam :
 Quadrupedes bipedesque eadem ad convivia Porcos
 Dolia tunsa cient, grexque ultra accurit uterque.
 Credideris rediisse dies, *Ææaque Circes*
 Pocula, quæ magicis olim incantata susurris,
 In nova monstra vagos *Ithaci* mutare sodales.
 Protinus audito sonitu, glomerantur in unum
Bæti Proceres, madidumque liquamine Vulgus.
Porcius inde Senex, cui toto in vertice setis
 Mentita est natura comas, & frigora contra
 Munierat crassâ scabrum porrigine corpus ;
 Sic circumfusam compellat voce coronam.

“ Si

- “ Si quid vota, Patres, si quid privata potestas
 “ Hic valuisset, ait; non tantum ad Rostra tu-
 multum
 “ Hæc lux vidisset: Sed jam commune peric’ lum
 “ Communem deposcit opem: Nam pabula Gentis
 “ Vastat Aper violens, & spes malè ridet inanes.
 “ Cernitis ut populetur agros? Ut rapa, fabaque
 “ Alliaque extirpet, nostræ decus omne culinæ?
 “ Cernitis hæc? Sinitisq; inquam? ----Succurrite
 fortes
 “ Agricola; & miseras Patriæ prohibete ruinas.

Hæc ubi fatus erat, juvenilibus æmula virtus
 Creditur incaluisse animis, positoque stupore,
 Gens tota insolitas sensit sub pectore flammæ.
 Inque *Suis* cædem jam conjurata ruebant
 Agmina *Belgarum*: Truculento hic cominus hosti
 Ire parat, justamque armis ulcisciebat iram:
 Cautior is timet imparibus concurrere telis,
 Et certare dolis mavult: Sed tertius hosti
 Certius exitium intentans, exurit *Itenem*.]

Talibus inter se studiis contraria jactant:
 Cum subito mediâ reliquis solertior alter
 Emicuit de plebe BOGO (vocat *Anglia* BEVIS)
 BEVIS honos Patriæ, *Belgarum* gloria BEVIS.

Ille

Ille quid angina, vel quid porrigine captos
 Sanaret Porcos, novit; quæ cura nocentes
 Pellat Hyoscyami vires; quo fidere præstat
 Incolumes castrare *Sues*; meliusne farinâ
 Pinguescant, anglande? *Suum* demùm omnia nôrat
 Artibus hisce BOGO instructus, squalentia tergit
 Ora, & Semiferum aifatur sic voce Senatum.

“ Arma movere, Patres, lethumq; inferre Tyranno
 “ Non equi lem fas esse reor, ne sævior astris
 “ Descendat pœna, & magis æstuet ira Deorum:
 “ Sed neque securum foret hosti cominûs armis
 “ Pergere: *In audaces non est audacia tuta.*
 “ Auspice me tandem lætos *Hoglandia* ducet
 “ Tuta dies: posthac gravidis innoxius arvis
 “ Munere vivet Aper nostro: me namque benigni
 “ Hanc docuere artem Superi. Cùm verteret hortos
 “ Talpa meos, curvisque errans ambagibus, herbas
 “ Stirpitûs erueret, porrumque & cæpe, superbæ
 “ Delicias mensæ capite obtruncaret, opacis
 “ Retia tramitibus tendebam; hostemque tenaci
 “ Implicitum laqueo cepi; rostrum inde recurvum,
 “ Et summas Talpæ transfixi cuspide nares.
 “ Sic domitum placuit Furem dimittere: At ille
 “ Telluris repetit rimas, notosque recessus;
 “ Nec tamen ulterius violavit oluscula morfu.
 “ Hæc eadem quoque tela valent. Sic ipse salutis
 “ Pandit Talpa viam; Nec abest sua gratia Talpis.

B

Dixerat

Dixerat : Oranti populus clamore secundo
 Plaudit ovans, gestitque animo spectare salutem
 Pollicitam, & lepidâ devictum fraude Tyrannum.

Intec insolito BEVIS conamine cæptum
 Urget opus: Chalybem sudans nunc temperat igne,
 Nunc versat massam, crebro nunc verberat ictu,
 Nunc inflat buccis, totâque incude laborat.
 Haud secus *Æneis Brontes, Steropesque* cavernis
 Fulmina *Phlegreos* debellatura Gigantes
 Excudère Jovi : Sic illis corpore toto
 Sudor iit, sic æra manu pulsata sonabant.

Et jam fabili demùm confecta camino
 Machina prodierat *Suibus* metuenda futuris,
 Artificique suo famam factura perennem.
 Sin vacet, ô Lector, jam contemplabimur artem,
 Et Fabri mirabile opus. Sinuatur in arcum
 Ductilis igne Chalybis, medio qui major, utrinque
 Decrescit paulatim, & cuspide surgit acutâ.
 Partibus extremis geminâ, de more sagittæ,
 Instruitur barbâ, ne rostro furca bicornis
 Excidat excussa, aut terris impacta recedat. [tum
 At Chalybis medium, quod naribus imminet, hir-
 Quâ rostro confine caput stat, lamina ferri
 Tortilis obducit, faciliqve volubilis orbe
 Circuit, & simili tegit armamenta metallo.

Haftenus incudi insudavimus : Altera magni
 Pars operis quæ restat adhuc, subtile BOGONIS
 Arguit ingenium. Vigilem quâ falleret hostem

Arte

Arte diù reputans Heros, cerebrumque fatigans
Nequicquam ; “ Quid tela mihi ? Quid inutile
ferrum

“ Proderit hoc ? Inquit, si nec virtute, nec armis,

“ Nec tacito poterit monstrum superarier astu ?

Et ferrum abjiciens ; “ Procùl hinc, procùl ito
sinistris

“ Machina facta Deis ! Quam pæne *Hantonià* tel-
lus

Frustrà efformatum contempserat instrumentum !

Et tua, BEVI, altis damnata inventa tenebris !

At somno demum admonitus ; carchesia Zythi

Fæce repleta, Merique, Soporiferumque Papaver

Miscuit, & pilulas lethæo rore madentes

Glandibus assimulat, somnumque in glande recon-
dit.

His ita compositis, dubii fortuna pericli

Induere arma jubet : Quis enim concurrat inermis

Tanto hosti ? Denos fumo indurata per annos

Terga *Suum* properè rapit, & septemplice nexu

Constringens, varios interfuit orbibus orbes.

Tale olim *Phrygias* cùm sterneret ense catervas

Hostibus opposuit clypeum, *Telamonius Ajax* :

Si non Taurino foret hoc, illudque Suillo

Tergore confectum, Setisque insignius aspris.
 Deinde parat Caligas : Ferrum rubigine adesum
 Accingit lateri, triplicique horrentia Porco
 Pectora circumdat catus, & Sylvestris Echini
 Exemplo sese cognatis implicat armis.
 Sed capita galeam non applicat : ipsa laborem
 Præripuit Natura istum, metuensque futuri,
 Nativâ exiguum munibat Casside gazam.

Sic demùm Cataphractus Eques, raptisque superbus

Porcorum exuviis tumet, & prægnantia somno
 Semina fert secum ; fretusque potentibus herbis,
 Cornipedisque fugâ, ruit obvius hostis in hostem.
 Torvus Aper visum insequitur : Fugit ille sequentem

Sudanti tremebundus equo ; pilulasque crumenâ
 Expediens, Superosque vocans ; per compita passim
 Dispergit ; magicâque feram consopit osellâ.
 Victori redeunt vires : Missoque timore,
 Desilit in terram BEVIS : Dorsoque jacentis
 Fervidus insiliens Apri, victricia circum
 Ventilat arma manu, & fuso canit hoste Triumphos.

Inge-

Ingeminant læta arva sonum : Simul (ecce) re-
motæ

Affonûere procul, plausumque dedere catervæ.

Jamque feram invadunt omnes : Pars ora catenis
Stringit ; pars pedibus vinc'lum parat ; ille præ-
ustos

Exacuit palos ; hic terræ fortitèr indit.

Ergo ubi jam vinc'lis obstrictum viderat ho-
stem,

Sublatasque metûs causas *Hoglandius* Heros

Ad magnum se accingit opus : Ferrumque bi-
furcum

Cote acuit, pinguique perungit acumina lardo.

Deinde *Suis*, vasto confurgens corpore, rostrum

Perforat, & furcam capulo tenùs urget ; at illa

Prominuit rostro, summisque in naribus hæsit.

Vix opus absolvit BEVIS ; cum faucia somno

Bellua se levat, & multum luctata catenis

Horrendam emisit vocem, quâ littora ponti

Insonuere procul, sylvisque remugit *Itene*

Agnovère sonum populi, longèque remotis

Confluxère plagis : missâ cum stamine Telâ

Win-

42 H O G L A N D I A.

Wintoniensis adest *Textor* : *Stonhamius* inde
 Appropriat curto Vates inVectus Afello ;
 Hinc atq; hinc astant infensi *Muribus* hostes,
Muscipulusq; gerunt venturi insignia belli,
 Quos simul ac vidit, furiali percitus œstro,
Bubo cavâ raucum ingeminabat ab ilice carmen
Clausenti Fidicen, cetuque immistus anili,
 Currit Cerdo frequens, atq; hispidus accola *Alau-*
ni.

Audiit & Pelagus vocem ; civisque relictâ
Veete, *Solentinum* trajecit protinûs æstum.
 Attoniti stupuere omnes, molemque Tyranni,
 Virtutemq; Viri quo vindice, tanta Colonis
 Emicuit, Patribusque salus : quo Autore reperta
 est

Machina non unquam *Belgis* reticenda subûluis.

Tum verò insolito convivia publica luxu
 Poscebant Patri domito Prædone Triumphi :
 Ergo fumosis dudum suspensâ caminis
Terga Suum centena ruunt, totidemq; Hecatombæ,
 Unius ob noxam, & solennis gaudia palmæ
 Immensæ esca gulæ pereunt, mensisq; parantur.
 Quodque magis memoranda foret Victoria, & o-
 lim

Heres

Herois laté volitaret fama per orbem ;
 Non prius expertas tunc invenisse Magirus
 Dicitur arte dapes : Cum sanguine mista Suillo,
 Melliti que favis condita, & olentibus herbis,
 Pulmonum, jecorisque adipisque tomacula cultro
 Secta minutatim pingui infercisset Omaso ;
 Ferventi concoxit aquâ & *Farcimina* dixit.
 Hæc ubi jam mensis fuerant illata secundis,
 Juscula sordescunt, vulgaris tædia Pernæ
 Offendêre gulam : Sola hæc placuêre palatis ;
 Inque tuis regnant etiamnum *Hoglandia* mensis.
 O Epulæ divinæ ! O fercula lauta voraci
Pontificum stomacho, cænisque accepta Deorum!

Salve igitur, tu, B E V I, & tanto illustris A-
lumno

Terra Parens, Salve : Virides dùm noxius hortos
 Talpa fodit, gravidos rostro dùm fulcat adunco
 Porcus agros, dùm Nigra ornant *Farcimina*
 mensas,

Semper honos, nomenque tuum, laudesque manebunt.
 Scilicet ille tuus, qui utroq; concurrit ab axe
 Hospes Aqualiculo, & pingui *Farcimine* notus,
 Hoc tibi debebit : vestris adipata Saginis
 Luxuriat ; vestro jactat sese *Anglia* dono.

Dum,

Dumque tibi pariles tali pro munere laudes
 Grata recognoscit tellus, ad sydera BEVIN.
 Tollit, & *Alcida* illius acta laboribus æquat.
 Hinc vatâsse Urbes, immensâ hinc mole Leones
 Dicitur atque Urſos, & prodigiosa Gigantum
 Corpora BEVIS humi straviſſe & mille Chi-
 maras.



FINIS.